



PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PL	Vassaf, Husayn
248	Vesilet ün-necat
S77V428	

3823

18/628





# وسيلة النجاة

Vasṣāf, Husayn

سلیمان چلبی حضرت تارینک مشہور آفاق اولان مولد بی منظومہ لری  
حقنہ تدقیقات تاریخہ و مطالعات ذوقیہ بی حاوی بر رسالہ در

Vesīlet ün-necāt

محری

عثمان زاده

حسین و صاف




در سعادت — نجم استقبال مطبعہ سی

۱۳۲۹

۱۹۱۳

PL  
248  
S97 V428



## بسم الله تیناً بذكره الجلیل [\*]

نام پاك محمدی ، تشنیف آذان اهل ایمان ایتدجہ مشتاقان جمال احمدی .  
حیات جاودانی بولور . برو جود اقدس کہ روح موجود اندر ، موجودات  
او وجود اقدسہ قائمدر .

« نفی عدمہ وجودی علّت موجودہ وجودی محض رحمت »  
یا حق ، بزی « روح الحق » دن دور ایتہ . .  
تابشکاه حب الہی اولان برو جود اعظم ، بر نور مجسم کہ عشقہ  
کریان کوزلر منظور خدادار .

شوقیہ وقف انین اولان قلبلر جلوہ کہ نور ہدادر .  
یامنورالنور ، بزی نور چشممزدن مہجور ایتہ . .  
فردوس برین ، عشق اجل الناس ایلہ منور اولان جناب صفا آینددر .  
جحیم ، محبت روح المحبہ دن محروم اولان قلب ظلمت آکینددر .  
یاودود ، بزی صفای عشقلہ دل سیر ایلہ .

حرّ کامل ، سلطان انبیایہ اسیر اولان مرد عاقلدر .  
اسیر حقیر ، باب سیدالکونیندن قوّت رقبہ ایدن شخص غافلدر .  
یامالک ، بزی « سلطان سریرلی مع اللہ » ہ ابدیاً اسیر ایلہ .  
« ای مطلع آفتاب خلقت ذاتکگلہ بیلندی سرّ وحدت »  
« ظلمتدہ قالیردی یکسر ، اشیا اللہ ، سنی ایتسیدی اسرا »

---

[\*] رجال ملکبہ آرہ سندنہ ذوق و عرفانیہ ممتاز و قدرت قلمبہ سبیلہ  
سرافراز اولان ابن الامین محمود کمال بک افندی برادر محترمک غایت عاشقانہ  
یازلمش اولان شو تقریض بلیغترینی سرنامہ مباهات اتخاذ ایتدم .


« معدوم اوله جقدی جمله مخلوق خالق ، سنی قیلمسیدی معشوق »  
 « مجهول اوله جقدی علم و معلوم حقدن اوله جقدی جمله محروم »  
 « حقه کده نه سویاسهم احقسه ک الله بیلیر که عین حقسه ک »  
 « یارب ، بوسنک محمد کدر »

« محبوب کزین و امجد کدر »

« ای منبع جویبار رحمت سندنر عنایت و حمایت »  
 « مجرم ایسه ده کمال احقر امید کمال رحمت ایلر »  
 « اول عبد دخیلی ایتمه کمره شایسته رحمت ایلر ، الله »  
 « مطلوبی ایلر مه ، امان رد سندن سنی ایسترم محمد »

صاواة الله وسلامه عليك ياسر الوجود يا صاحب

المقام المحمود



امت مرحومه ایچنده محمود السیر بعض ذوات معززه واردر که  
 التفات حضرته نائلیتله کامور اولمشاردر .

او کاموران کر آمدن بری ده سامان چلبی حضر تاریدر که

« سحرده باغه کلدی سیره جانان نه لر سیر ایلدی بیدار اولانلر »

حقیقته واقف اولان بر عاشق بیدار ، بر مرد هشیاردر .

چله کاه محبته نه لر چکمشسه چکمش ، نکاه التفاته کسب لیاقت ایتمش .

روح الکائناتک — کائناته بخش حیات ایدر — ولادت سنیه سنی

تصویر ایدن منظومه فیض انکیزی ، زمرة مقبولینه داخل اولدیغنه بیننه

مینهدر .

عشق یارب ، آنک قلب مصفا سنی تجلی زار فیض و فتوح ، کلک الهی



نواسنه افاضه روح ایتمشد که اوفیض فتوح، هرقلبه، او، الهی نوا، هرقلمه  
نصیب اولماز .

قبول عامیه مظهریت، نه بیوک نعمتدر، او منظومه مبعجله، بش  
عصر دبری ممالک اسلامیة نك هرجهتنده ملیونلره مؤمنین طرفندن کمال  
عشق و شوق ایله اوقونویور. روح ناظمه اتحاد فاتحه اولنور. نه بیوک  
مظهریت، نه بیوک نعمت .

بش یوز سنه دبری بش یوز شاعر، منقبة ولادته دائر برر منظومه  
بدیعه یازدیله. بوشاعرلرک اکثری، شاعریتجه احتمال که سلیمان چایی  
مرحومه فائقدر. فقط هانکیسنک اثری صفیّ مشار الیهک منظومه سی  
درجه سی رغبت اهل ایمانه نائل اولدی .

شاعریت بشقه، مظهریت یینه بشقه در لسان حال، لسان قال ایله  
قابل قیاس دکلدر. او عاشق صادق — محصول عشقی اولان — اثر  
مقبولنی « وسیلة النجاة » عدا تمکده هر وجهله حقیدر. بوحقی، هر مسلم  
تسلیم ایدر. تقدیر حقیرانه مه کوره منظومه شریفه، ادعیه مأثوره دن  
معدوددر .

« مارأه المؤمنون حسناً فهو عندالله حسن »



یا حسین، سنی تکریم ایدرم که مقبول سید الانبیاءک  
یا وصاف، سنی تبریک ایدرم که وصاف اصفیاءک  
عشق محمدی، قلب پاککه اساله نور فیوض ایتدکجه ذکر وفکرک  
خدا، انیس روحک « مصطفی » اولیور .

« چشم ژنک آلوده یمه ایتمز تجلی بر زمان »  
« نور پاک عشق آنجق دیده بنیا آرار »

سرّ اعلاسنه مظهر ، بر مرد عالی نظر اولدیغنی آثار مبروره  
اثبات ایدیور . از جمله بو رساله مبارکه ذخر آخرت ، بزه بر تحفه  
کران قیمتدرکه «کمال» حقیر ایچون تبریک و تشکر دن بشقه سویلیه جک سوز  
یوقدر .


« فیض خدا یاورک اولسون سنک »

« نور هدی رهبرک اولسون سنک »

ابن الامین

۱۰ ل ذی الحجه ۱۳۲۸

محمود کمال



## افاده

بعد اداء ماوجب علینا :

کچن سنه مولد شریف حقنده بالمناصبه صراط مستقیم جریده  
اسبوعیه سنده بر قاچ مقاله مندرج ایدی . بروسه مبعوثی عرفای عصر دن  
بروسه لی طاهر بک افندی ایله بر کون اثنای صحبتده بومقاله لک بعض  
علاوات ومطالعات درجیه بر رساله صورتنده نشری مستلزم فوائده  
اوله جغنی عاجز لرینه اخطار و کندی تدقیقات لرینه دائر بعض معلومات دخی  
اعطا بیورماری اوزرینه بوتکلیفاری مع الممنونیه قبول ایلدم . مولد -  
شریف منظومه مرغوبه سنک بعض قیمت ناشناسان طرفندن تحریفنه  
جرات اولمشدرکه بوکا نظر جواز ایله باقیله ماز . انک ایچون منظومه  
مقبوله نک قیمت معنویه سندن بطقه تاریخ ادبیات عثمانیه نقطه نظر نجه بر  
قیمت مخصوصه سی اولدیغندن بو حقایق تبییناً علی قدر الاستطاعه بر قاچ سوز

سویانمک استنادی منظومه شریفه نك اسمی . وسیله النجاة . اولدیندن  
رساله عجزانه می ده بواسطه تزیین اتمکی و مشاعر الیه طاهر بک افندی  
نامه عالم مطبوعات اهدا ایلمکی موافق و نفس الامر مطابق بولدم و طالع مننه  
رغبت و تعمیم نشرینه خدمت ایدن ارباب عشق و محبت و وسیله نجات اولمسی  
تمنی ایدرم .      ومن الله التوفیق  
عثمان زاده

حسین و صاف

### ناظم مولدنی سلیمان چلبی

عمره زمان مولد شریف جمعیتند بولمسم نائل ذوق معنوی  
اولورم : بوسيله مولدی سلیمان چلبی حضرت تارینه قرشی قابنده بیوک  
بر محبت واردر . بروقتار کرک ترجمه حالی کرک منظومه مرغوبه سی  
حقنده علی قدر الاستطاعه تدقیقت و تبعاتده بولمش ایدم سلیمان چلبی  
(۱) حضرت تارینک تألیفنه خامهران همت اولدقاری مولد شریف منظومه  
مرغوبه سی فی الحقیقه تنظیر و تقلیدی غیر قابل آثار مقبوله دندر که هر درلو  
تعبیریه سهل مختصر سحر حالدر بشیور سنه دهنری شعرای عثمانیه  
طرفندن ولادت حضرت رسالتیناهی حقنده اسان ترکی اوزره لایله  
آثار برکزیده کشیده سناک تعظیم قیامش و فقط هیچ بری سلیمان چلبی نك  
منظومه سی کعبه واره مامشدر .

(۱) حضرت ناظمك زماننده چلبی قولاندینی تاریخاً اکلایلیبور اساساً  
چلبی کلمه سی بدرجهیه قدر خلاف قاعده اولمزه برابر او زمت عرف ادیبینه  
کوره ترکیان دیلنده اسم باری معناسی مفید اولان ( چلب ) کلمه سیبه فرسی  
بای نسبیدن مرکبدر . شو حالده چلبی دینده که شرع نویینی عالم امور دین

او شرف و رغبتی انجق او ناضم محترم قازاندی. خرابات مقدمه سنده بو  
منظومه عاشقانه حقنده :

در تیوز سنه دنیرو افاضل  
بر سوز دیمدی اکا نمائل  
تنظیرینه چوق چالشدی یاران  
قالدی ینه مثل بکر قرآن

محرردرکه حقیقته بحق ترجماندر. سایان چابی نك منظریت  
واقعیهی کنیزینه خاص بر تجلی اثریدر. آنك منظومه منی تنظیره چالشمق  
عادتا کوشش بی فائده قیامنددر .

مثلا اسام بوصیرینك قصیده برئسی ، ابن فرضك قصیده تائیهسی .  
خاقانیك حمیده سعادت منظومه سی . نابی دده نك معراجیه سی ، شیخ  
غالبك حسن و عشق ، فضولینك ایلا و مخنونی نشاطی نك حمیه انیماسی

مصطفوی بی عارف ، علم و عمده کامل اولان ذات اولدیفی اکلاشیلیر و چلی صلاح  
اعمال و صفت علم و کمال ایله متصف اولان ذوات گرامه اطلاق اولنورکه  
( مردالهی ) معناسنه مستعملدر. عوام ناسك فرنگلره اطلاق ایتدکلری ( چلی )  
تعبیری ایسه بالطبع او معنادن بعیددر . بو چلی شبه یوق که ( چلیپائی ) دن  
محرف اولدیفی آثار اسلافده کورنمکده در . ایشته بوندن اکلاشیلیرکه اولاری  
( چلی ) تعبیریز ، ارباب علم و دانشه بر وصف اتخاذ اولمش ؛ لامعی چلی  
مجمود چلی و سائره کی الیوم طرق علایه منسوب زمره مصوفینه ( دده )  
تعبیر اولندیغی کی سلیمان چلی حضرت تلمیزینه ( سلیمان دده ) دخی دینلمشدرکه  
حضرت امیره طریقه منسوبتی سببیلهدر

والحاصل حضرت ناضم مکرری بعض ارباب علم و دانش ( چلی ) و بعض  
ارباب تصوف ( دده ) دیه توصیف ایتش اولدولرندن آثار اسلافده حضرت  
نامی گاه ( سلیمان چلی ) گاه ( سلیمان دده ) دیه یاد اولمشدر .



تخیز او شه‌مین آثار عالیہ دندر . حضرات مشہور الیہمک کندیلار  
 مخصوص بر ذوق قابیلی . بر نشئه قلمیہ می ، بر ساخه بر کزیدہ می وارد .  
 سایان چاہی جدا عاشق رسولدر . فضیلت و معرفت ذاتیہ سیلہ مشہوردر .  
 نظم بدیعندہ او قدر اسرار و حقایق . و قدر نکات و دقائق جمع ایشدر کہ  
 انسان ، نظر امعان ایلہ باقیہ حق اولور سه او عاشق صادق نبوتک عرفانہ  
 مفتون و وسعت تصویر و عظمت تخیلده کی افتدارینه حیرن اولور .  
 موضوعنک درجہ علویہ سنی بینده سہنک فصر اولدینی از جمہ :  
 « شش جہتدن اول منزہ ذوالجلال »  
 « بی کہ و کیف اکا کوستردی جہل »

بی حروف و لفظ و صوت اول پادشاہ

( مصطفی ) یہ سویلدی بی اشتباہ

ابیات لطیفہ سنک طرز بیننده کی صنعت رقیفہ طوغریسی حضرت  
 ناظم محترمه مخصوصدر دینلہ بیایر .

سایان چاہی ، جہنمکان ییلدیرم یازید خان زمانده یتشمشدر . اسن  
 عثمانینک هنوز تشکیک ایتدیکی بر زمانده منقبہ مبروکہ کی نظمہ موفق  
 اولوشی ، حقیقہ خوارق موفقیاتندن معدود اولہ بیایر .

تاریخ ادبیات عثمانیہده بو منظومہ عاشق پاشا دیوانندن صکرہ  
 ایکنجیاییکی احراز ایدر . عاشق پاشا دیوانی حنفیہ بروسلوی طاهر بک  
 افندی طرفندن « تورک درنکی » نام رسالہ موقوفہنک برنجی نومروسنه  
 یازیلان بر مقالہ مهمہ مطالعہ اولور سه بو منظومہنک قیمتی او زمان بر  
 قات دہا تعین ایدر .

حضرت ناظم ، سعردہ عاشق پاشایہ بیرو اولمشدر دینلہ بیایر . شو حاحده

منظومه جلیله سنك قیمت تاریخیه سی دخی. وارد ركه آكا آخرك قلم  
قریشدیر سی طوغریسی عفو اولور قصورلردن دكلدر .

اقتدار شاعریت سایان چایی به بیوگ پدری شیخ محمود مرحومدن  
انتقال ایشدیر .

سایان اورخان حضرتدینك شهزاده سی « سایان » پاشا برامل  
علوی فتحانه اوزرینه بر مقدار غزاة کرام ایله ایلك دفعه روم ایلی به  
کچککاری زمن شیخ محمود تهیه غزا یتیمه شهزاده مشارالمیه کوندردیکی  
دعایامیه :

ولایت کوستروب خلقه صویه سجاده صالمشین

یقاسین روم ایلیك دست تقوا ایله المشین

یتیمی - رچ ایش و اوزمانك شیوه سنه کوره الحق انشاد نظمه مقتدر  
اولدیغنی کوستره شدیر. گلدسته ریض عرفنده شویله یازیلیدر:

« سایان چایی : سایان پاشا غارینك هم مشربی و احینا حلقه بزمنه  
داخل اولوب مصاحبتیه شرف کسب ایدن همنام مؤدبی ایدی . بعده  
سایان بییدیرم خانك دیوان هایونیری امچی اولوب آستنه حضرت  
امیره انتساب تامی اولغین اشرت عایله لیه نیجه ایام جامع کبیرده مقتدای  
انام اولدی . کمنه الاخبر صاحبی عالی دن منقولدرکه لطیفی تذکره سنده  
مزبور الحاح عوض پاشا اولادنن عطایي لك برادریدر دیدیکی خطای فاحشدیر .  
زیرا که سایان مراد دورنده اولغله سنین متعدده یه توفیقی مشکلدیر دیشدیر »

حضرت ناظم بروسه ده زینت ساز عالم شهود اولمشدیر . بروسه ده  
تحصیل معرفتله زمانك فضالسی صرمدنه کچمش و زهد و تقواده

ایار و کیمه شد. صلاح حالی، فضل و عرفانی شایع اولنجه سلطان اور خاٹک اوغلی مشارالیه سلیمان پاشا کندینه یارجان ایستی، حتی بود لاله ییلدیرم خاٹک شرف صحابت و التفاتنه بیله نائل اولدی، نهایت دیوان هایونه امام اولوب خیلی زمان بو خدمتده بولندی، خاقان مشارالیهک داماد محترمداری عارف اسرار صمدانی . ( سید محمد شمس الدین البخاری ) قدس سره حضرت تبرینک که امیر سلطان [۸] نامیله معروف انامدر، بوصره ده شرف صحبت عالیهرینه نائل اولهرق برکات حسن نظر و تربیتی ایله پرورش باب فیض و کمال و داخل زمرة اهل حال اولمشلردر .

[۸] امیر سلطان حضرتلری بخارادن مدینه منوره کلوب شرفواق اولان بر اشارت پیغمبری اوزرینه بروسه یی تشریف بیورمشلردز بالاخره ییلدیرم یازیدک کریمه سی خوندی سلطانن زوج ایدوب حضرت پادشاهه خدمات معنویه ده دخی بولمشلردر . حق عالیبرنده یازیش برقچ مناقبنامه وارد که بریسی مطبوعدر . امیر سلطان حضرتلری نوربخشیه طریقتک پیرنایسیدر . پیر اول محمد نور بخشى البخاری حضرتلریدر بوطریق حقنده معلومات آلمق ایستیه بن اخوانک فتح کتبخانه سنده کی ( تبیان الطرائق ) نام مهم اثره مراجعت بیورماری لاره در . امیر سلطان حضرتلرینک تربهلری پک معومور و مزیندر . حق عالیبرنده یازیلان مدحیه لرك برنده

ای عالم ولایت سلطان اولان امیر

وی ملک رومه رحمت رحمان اولان امیر

دیگر نده

بودر سلطان قطب تخت و تاج ملک استغنا

فروغ شورش عشق سراسر طوئدی افلاکی

بی تلریخی کورم شدم

( انتقال امیر ) ترکیه ناطق اولدیغی ۸۲۳ ده عالم بقایه رحلت بیوردیلر

( قدس الله سره )

ییلدیرم بایزید خانک ارتحالنده امیر سامانک امرنریله بروسهده اولو  
جامع شریفده آخر عمرلرینه قدر خدمت امامتی ایفا ایشدر .

حضرت ناظم حقده ییلدیرمک اوغلی شهزاده سایان چابینک پک  
بیوک التفاتلار کوستردیکی وحی کندینه ندیم خص ایتدیکی سبیل عثمانینک  
اوجنچی جلدنده محرردر .

( راحت ارواح ) ترکیبک دلاقی وجهله سکنر یوز یگر می بش  
سنه سنده عزم عالم لاهوت ایشدر . کتب عشق وجودلری بروسهده  
چکرکله یقین بر محله احضار اولنن محفظه قبره قونولشدر . قدس  
سره العزیز . کرا آ زیارتلریله مشرف اولدیفندن طولانی متشکریم قبر  
شریفترینک اوزرنده دهر پارمقندن برقه واطرافنده شبکه اولوب مزار  
طاشنده شو عباره محکو کدر :

( منظومه ممد ولادت نبویه علیه السلام والتحیه مؤلفی سایان افندی  
حضرتلریک مرقد متبرکیدر :

( علیه الرحمة والعتوان روح پر فتوح عالیارینه له تعالی المنحه )

بالدر زاده تاریخنده سلسله نسب و طریقتلری بوجه آتی کوسترلشدر .

سید محمد شمس الدین بخاری بن سید علی بن سید محمد بن سید حسین بن  
سید علی بن سید محمد بن سید المودی ابن حسن العسکری ابن علی اتقی بن  
محمد اتقی بن علی ارضا بن موسی الکاظم بن جعفر الصادق بن محمد الباقر  
بن علی بن زین العابدین حضرت حسن (رضی الله عنهم)

شیخعلری سید عیسی انک شیخی سیدعلی انک شیخی سید محمد انک شیخی حسینی  
حسین انک شیخی حسن انک شیخی محمد قائم المنتظر انک شیخی حسن العسکری  
انک شیخی علی هادی نقی انک شیخی محمد جواد نقی انک شیخی امام جعفر الصادق  
بعده محمد باقر بعده امام زین العابدین بعده امام حسن رضی الله .



## منظومه شریفه نك سبب تاليفی

بروسه حقنده یازلمش کلدسته ریاض عرفن ایله تذاکر قدیمه شعرا دن  
تذکره لطیفی ده شویله نقل اولونورکه :  
منقبه مولا شریف منظومه مبارکه سنک ترتیب و تنظیمنه بر حادته  
غریبه سبب اولمشدر .

روسده عامی محدود واعظک بری انانی وعظده استعید بانه

( لانفرق بین احد من رسله )

آیت کریمه سی تفسیر صردسند ( بو آیت جایله موجهنجه بن نبی آخر  
الزمانی سارندن تقضیل ایتم دیسه یله هستمه عین میاندده فضلالی عربدن  
برذات عالیمقدر طرزافاده دن متأثر اوله رق دلائل قاطعه ایله واعظ مرقومی  
الزاماً « بو بابده ازاله جهل ایدمه ماهمش کز علم تفسیرده پک چوق  
نقصانکز واردر آیات کریمه نك ناسخندن منسوخندن محکمندن مشاهندن  
غافلکز : رسل بیننده فرق یوقدر دیکن مقصد الهی امر رسالت  
وخصوص نبوته در . یوقسه مراتب فضیلتده دکدر . ا کر آیت کریمه نك  
معنایی من جمیع الوجود دیک اولسه ییدی استعید بانه ( تلت الرسل  
فضلاً بعضهم علی بعض ) بیورولورمیدی « دیوب واعظی بحق اسکات  
ایمشدر . کیفیت سامان چایی نك سامعه اطلاعنه واصل اولسه یله پک  
متأثر اومش وافضل انبیا افندمن حضرترینک علو قدر رسالتینا یارین  
بحث اولقی اوزره صورت ولادت نبویه لرینی و معجزات جایله  
احدیهارینی مصور اولان منظومه مقبولای عادتاً ارتجال دینه جک درجه

بر استعجال ايله تنظيم وشو عالم فانی ده ابقی نامنه خدمت ایتک اوزره  
کتبخانه عشق و عرفانه یادگار اوله رق تودیع ایشدر . صاحب ترجمه  
حقنده عالی مرحوم شو سطرلری یازیور :

« سایان چای مولد بی خدمتی کندویه لازم ایتش ، الحق بر  
کتاب مستطاب ایشدرکه اسان قامده بین رقه کلمی بر ساعت سعیده  
وقوع بولوب بلکه اکثر کواکب برج شرفده اقتراشه راست کلوب  
سل بسال نجه بیک مجالس واجب الاجالده اوقونور الحق مؤثر ادالر  
ایله نظم ایشدر . نجه مولد بی منظوم دخی واردر . نکلن بریسی نه اله  
آلنور نه کیمسه نکلن کوزینه طوقونور سایان چای ایسه منتبه مولد شیرینی  
کویا که تعلیم روح قدس ایله سوی ایشدر . »

فی الحقیقه اوله در بو یولده کی اثارک ال مقبولی ال باغیدر .  
بروسه لی طاهر بک امدی بیوردیلرکه : « او غم بو منظومه نکلن آدی  
( وسیلة النجاة ) در .

« او چیوز کسور سنه اول یازمش بر نسخه صحیحه اله کدی متداول ،  
نسخه لردن هم بیوک هم فرقایدر . شو قدرکه جمعیتارده تیمناً اوقونمغه  
باشلانجه تفصیل مقال ، مستمعینه باعث کلال اولسون ديه اسلاف طرفندن  
تایخیص اولونمش : آنجاق اوزمان تایخیص اولنان نسخه لر دخی بالآخره  
بک چوق تحریفه اوغراشدر نسخه صحیحه نکلن توحید بحثنده تکمیل  
اماء حسنی مندرجدر نسخ مطبوعده کوربان وفات وداستان مقوله می  
شیلر نسخه صحیحده یوقدر ، وسایان چای قطعاً بویه شیلر یازماهشدر .  
یازم دینی ده بوتون سخن سنجان شعرانک مسامیدر . سویله دیکم نسخه نکلن  
نهایتده :

اشبو کانی شهریکم شیرین ایدی

بیل (وسيلة النجاة) اولدی آدی

هم سکز یوز اون ایکی ده تاریخی

بروسه ده اولدی تمام بوای اخی

حقه حمد ایله ثنای بی حساب

اولدی حق عونیه کامل بوکتاب

یتیمی کورولور ، روم ایلی و آناطولی ده کز دیکه یرلرک اکثرنده  
کسیک باش داستانلری و غنایر حقنه کی منظومه لری او قودقلری کورردم  
حالبوکه حضرت ناطک اثری مولد شریفه و حین ولادته ظهور ایدن  
بعض احوال خارق العاده و معراج کزینه دائر در حضرت نه یازمش  
ایسه مقبول پیغمبری اولمش . شو حلد مولد شریف جمعیتنده موضوع  
جمعیه مخالف شیلر او قومق اصلا متناسب دکلدرد

فی الحقیقه اولیه در زیر بشیوز سنه در آیادی احترام امتده بولنان  
بو اثر کزینی بو وجهله تحریفه قالدشمق اثر جهل ، اثر نادانیدر .  
بروسه لی رضا افندی مرحومک بوندن اون اوچ سنه اقدم نسخه  
صحیحهمنی الیه ایتدیکنندن بحث ایله نشر ایلدیکی منظومه مطالعه  
اولنورسه الیه بولنان نسخه لک نه قدر یا کاش ، نه قدر روحسز ، نه  
قدر محرف اولدینی اکلاشیلیر . افندی مرحوم بر حقیقت میدانده  
قویقده درکه ارباب اذعان و انصاف آتی تسلیم ایدر :

منظومه شریفه نک اصانی تحریفاً نسخ مطبوعه قدیم و تأخیر دخی  
وقوعه کتیرلشدرد . بریسی منظومه نک معراج فضلک میدانده کی ( کل  
پروای عشق اودینه یانچی ) بیتندن بدأ ایله ( ایردیار اول کوکه بالاحترام )

بیتدن باشلاپ یوب بوندن صکره اون برنجی بیت اولان ( اول کیجه  
 طورمدی جولان ایلدی ) بیتنه قدر بری برینه متصل اون ایکی بیتک  
 طاقیه بو فصلدن آلوب ( سویلشورکن جبرائیل ایله کلام ) بیتله  
 باشلایان ایکنجی فصلک بشمنجی بیتنی بولنان ( چونکه قوسین کوروب  
 کچدی اوتیه ) بیتک یانه نقل اولنمیدر بو حالدده حضرت جبرائیلک  
 مقام خاصری اولان سموات عالیاتک فوقنده بولنان سدرالمنتهی کویا  
 تحت السما بولنلق و حضرت ناهوس اکبرک ( لودنوت انماة لاحترقت )  
 قول شریفاری ترجمه سی اولان « کرکچم برذره دکاویارو - یا نارم باشند  
 ایاغهای اولو . بیتنی موجب منجه مرافقتدن معذرتاری ( سدرالمنتهی ) دن یارویه  
 عائد اولیویده کویا سمواتده عروجدن معذور اولدقارینه شامل اولمق توهم  
 اولنور . حالبوکه حقیقتی اوله دکادر . بوتفریق و نقلی اختیار ایتمک سببی ایسه  
 ایسه بداهه وارد اولورکه منظومه مبارکه نیک اثنای قرائتنده توحید  
 حضرت باری و بعضی اوصاف جناب پیغمبری یه دائر اولان فصلار .  
 تالوتیه مجاس مولد شریف خیلی امتداد ایش اولدینی حالدده قصه  
 معراجدن تمناً برنبه یاد و ایراد ایدمک استنلابکی واختصار اینجون  
 برنجی فصلی کیلوبده ایکنجیدن باشلانلینی تقدیرده اولیات معراج کزین  
 واحوال سموات و ملائکه فصل اولده قالدیغندن فصل ثانیده آندندن  
 بحث اولمش اولمق ملاحتمه سیله فصل اولک بو حقایق بیان ایدن سنانف -  
 الذکر اون ایکی بیتنی اورادن آلوب بورایه علاوه ایتدیکری کورولیور .  
 برکره دقت بیورلسون او بیتلر فصل ثانیده ماقبل و مابعدیه کسب ارتباط  
 ایتمه یور؛ صکرده احادیث شریفه ایله ثابت بر حقیقتی آلت اوست ایتمک  
 جرأتکار لغنده بولنمش اولیورکه بو حالدن البته روح سرور کائناتکده  
 متأذی اوله جفته شبهه ایتملیدر .



غزّی زاده شیخ عبداللطیف [ ۱ ] افندی ( قبله نمای کعبه العشق )  
نام اثر مرغوبنده « صاحب ترجمه سایمان چای نك كرامات عالمیه و کونیه .  
نزدن بحث اولندی کبی مقرب حضرت نبوی اولدیفنده محض توفیق  
وفیض الهام ایله یازلمش اولان اثر دلزیری بر هندر « دینلور .  
نزدجایل پیغمبریده مظهر قبول نام اولدیفنده « عصر لر دنیرو بونجه منظومه نرد  
حقر جیخانه مالک اولمسيله قناعت حاصل اولور .

سایمان چای حضرت ترینك بومنظومه مبارکسی ازوقت خرفنده  
شهرتیکر آفق عالم اولوب هر طرفده تبرکاً اوقومغه باشلامش و خشنودی  
جذاب نبوی استجلابه وسیله اولمق امید شفاعتخواهانیه وسیله اختیار  
تکانت اولنه کیشدر . تاریخ لسان نقطه نظرندن پک بیونک اهمیت اولان  
بومنظومه مقبوله نك علم و عرفان جهتمندن ده آریجه بر قیمت عظیمه سی  
وارد . زیرا هر بیتی یا بر آیت کریمه نك یا خود بر حدیث شریفك  
معنیله اشارتدر معالیت افکار اوزرنده اوله رنکین ایاتیه تصادف اولنور که  
انسان مست اولور عظمت تخلیده حضرتك کوستردیکی اقتدار پک  
بیوکر بعضاً اوله ایات غامضیه تصادف اولنور که آنک مضامینده  
بحق و قوف آنحق کمال عرفانه موقوفدر . یوقریده سوباندیکی وجهه ایله  
بومنظومه سهل متمعدر هر کس قلمی انه آیر آماز همان مثانی یازیوررم  
ضن ایدر فقط یازیله مدنی امثال عنیده سیله ثابتدر ارباب حقیقت معنی

---

[ ] تفسیر و حدیث و تصوفده صاحب کمال اولان بوذات عالی ۱۲۴۷  
نارینفنده بروسده ترک عالم ناسوت ایلمشدر مختصر ترجمه حایله اکثر . آماری  
بروسه لی طاهر بک افندی ( مشایخ عثمانیه دن سکیز ذوات تراجم احوالی  
اسمنده کی رساله لرده مندر جدر .

ظاهره سندن باشقه رموزات كلاميه سندن ده درلو درلو معانی غامضه  
استخراج ایدر چونکه تأویلات طریقیه عالم اسراردن برچوق حقایقه  
تجایگاه اولمشدیر . بحث وتفصیلی صد دنده بولوندیغمز منظومه جایلینی  
معارفندان عصردن جبار زاده عارف بك افندی عارفه بر صورتده شرح  
بیورمشلردر . کوکل آنکله عالم مطبوعاتک تیزین ایلدیکنی کورمک ایستیر .  
عبد عاجزده بر شرح ناچیز وجوده کتیردم ؛ عنایت حقه نشری مقصود .  
مقصدم ؛ اوایت لطیفه ده کی نکات واسرار کلامیه بی بن آ کلام سزده  
اکلا دیورم طرزنده معلومات فروشلق اولموب عقل قاصرانه مک  
یتدیکی مرتبه ده اوایت مبرکه مک نه کی خزائن عرفانیه احتوا ایلدیکنی  
بین ایله علوقدرینه لایق صورتده شرح وایضاح اولنسی ایچون ارباب  
عرفانه عرض نیاز ایتمکدر .

برائسن ، بومنظومه شریفه بی معانی لطیفه سینه حصول اطلاع  
صکره او قور ویا استماع ایلرسه قابنده نشئه کامله ظهوری شهم سزدر .  
قولاق طو لغونانی ایله شویله جه دینله مک باشقه . اسرار معانی دقیقه سینه  
وقوف حاصل ایدرک دینله مک ینه بشقه در . شونی ده عرض ایتمک  
ایسترم که :

ای خدادن لطافت واحسان ایستین

مولد پاک رسول الله کل

قصیده سی شریفه قدره ولد کتبارینک باش طرفه یازمش ایسه ده بونک  
ناظمی ۱۴۰۷ سنه سنده ارتحال دارت ایدن وشعردده ( والی ) تخصی  
ایاین قاضی عسکر عبدالرحمن افندی اولوب سایمان چابی نک اولدیغی تذکره  
سالمده محرردر .

طهر بك افنديك بين بيور و قريشه كوره منظومه شريفه بوجه آتی  
ارناودجه و بوشناچه و روجه ترجمه اولم شد :

( ترجمه مولود علی سن ارناود ) مترجمی اولم کوشی حافظ علی رضا  
افندی اولوب بو اثر ۱۲۹۵ ده طبع ایداشدر . بنه شیکلی حافظ صالح افندی  
طرفندن بوشناچه ده ترجمه اولم قرق ۱۱-۱۲ ده ایداشده باصام شد . روجه ده  
ترجمه قیام شد . اخیراً کرجه و چرکسجه ده دخی ترجمه اولم دینی  
خبر الدم . [۸]

---

[۸] بوراده بالناسبه شمسی ده قدر مولد شریف حقنده یازیلان آثارک  
باشلیجه لرینی و مؤلف لرینی ذکر ایتک ایسترم :

دیار بکرلی خواجه ابراهیم رأف افنديك : ( مولود جدید )  
ادرنه مفتی مرحوم محمد فوزی افنديك : ( مولود و معراجیه )  
ارضروی عثمان سراج الدین افنديك : ( مولود و معراجیه )  
شیخ شمس سیواسی حضرتلرینک : ( رساله مولود النبی مع مولود المنعوی )  
بکزاده مصطفی افندی  
بالیکسری قول اوغلی  
بروسه لی کتابچی مصطفی افندی  
بروسه لی عاکف افندی  
کشی صاروخانی  
ازمیرلی حافظ احمد افندی ( تخمیس )  
بروسه لی اشرف زاده نجیب افندی  
فره سیلی حسن بحری  
مناسرتلی رفعت بك  
دارنده لی بقائی  
آق شمس الدین زاده حمداله چلی  
سلامی افندی

## ایلك مولد شریف جمعیتی نه زمان تشکلی ایتدی ؟

مولد شریف حقنده یازلمش اثبات المحسنات نام کتابة کوره مولد شریف جمعیتی تشکلی ایلیوبده ولادت جلیله جناب نبوی نی مصور منظومه نی احتفالات فئنه ایله او قومق ، او قومق عادت مستحسنه سی تاریخ هجرتک التیوز درت سنه سنده باشلامشدر . اک اول بویه بر جمعیتی تشکلی ایدن موصله افضل مظفرالدین نامنده بر حکمداردر . اوزمانه قدر بویه بر عادت یوق ایلمش . اعظم علمانی اسلامیه دن ابن الجندی وابن حجر حضراتی بدعت حسنه اولوق اوزره قید و اشعار ایتشاردر . حتی بویه بر مجلس تشکلی ایله تقدیر تکلف اختیار اولنسه و تعظیبات و تکریمات اظهار ایدلسه ینه آذرر بیورمشاردر .

ایشنه بوندن صکره بوعادت مستحسنه بین الاسلام شایع اولوب دیکه مکره . مدینه منوره ، و شامده و سائر بلاد اسلامیه ده عشاق محمدیه ظرفرندن غایت مؤثر اوله رق یازلمش ولادت جلیله احمدیه منقبتنامه لری او قودوق و بوسیله جلیله ایله ده روحانیت مقدسه رسالتینا عیدن استشفاع ایلك دأب درین صره سنه کچمشدر .

بو جمعیتدن یکانه مقصد تسامیم کرده ارباب اذعان اولدینی اوزره استحصال رضای الهی و استعجاب خوشنودی جناب محمدیدر .

بوصورتله روحانیت سنییه توسل و اظهار تعظیبات و تجلیاتدن اجور جزیه و فوائد حسنه حاصل اوله جعفری علمدی کرام فضل الهی به استناداً اعلام ایتشاردر .



مجلس مولده در ذوق و نشاط

دل او مجلسده اولور غمدن بری

بعض اهل ضلالتك بوبایده کی قیل و قال بی مأ لئه مقابل تألیف ایلمش  
اولان ( اثبات المحسنات لتلاوة مولد سید السادات ) نام ائرده « بونلرك  
كرك ذوقدن كرك محبتدن محروم اولدقنری سوزلرندن استنباط اولونور .  
مولد شریف اوقوتمق واقعا بدعتدر . فقط بدعت حسنه در . اليوم عموم  
بلاد اسلامیه ده تعمیم ایدن شوعات مرغوبیه قارشو سوز سويك روا  
دكلدر « ديه اوزون اوزادی به دلائل واضحه بسط و تمهید اولنیور .  
و ( لا تجتمع امتی علی الضلالة ) حدیث شریفی مقتضای نتیجه بونده  
اجتماع امت واقع اولدقنه یقین واردر دینلیور ذاتاً سرور کائنات افندمن  
حضر تارینه عشق و محبتی اولان اهل ایمن البته بوعات جالیله بیجیدن  
کیرو طورمز .

سکا ای زیور وحدت سراخاق جهان عاشق

جهان عاشق، زمان عاشق، زمین و آسمان عاشق

فلک عاشق، ملک عاشق، بتون حور جنان عاشق

دکل ساده خلائق ، خالق کون و مکان عاشق

دولتمزك تشككندن صکره خانهای عظام عثمانیه حضراتی بوعات مقبوله  
اوزرینه هر سنه شهر ربیع الاولت اون ایکنجی کونی مدبدب بر آلا ای اجر اسلیله  
ارکان دولت دخی حاضر بالمجلس اولدقاری حالد مولدی سلیمان چای  
حضر تاریك منظومه مبارک سنی احتفالات لایقه ایله اوقوتمق اعتیاد ایلدیلر .

اوزماندنبرو هر سنه اويوم مسعودده بوكوزل عادتك اجراسنه احمدالله تعالى دوام اولنمقدهدر .

شهر مركز معلاى خلافت اولمى مالايسه سيله بوكونه مخصوص اوله رق تكريمأ بش وقتده مواقع متعدددهن طويلر آتيله رق يوم مسعودك شرف وشانى اعلا ايديليور بويوم مباركه حضرت فيخر عالم حرمتنه دوائر دولتك رسماً تعطيل ايدلمى اخيراً تقرر ايشدر . رسول جناب كبريا ، نور جمال مولا اكمل التحايا افندمن حضرتلرينه قارشو دولت عليه ومات اسلاميه نك حسيات تعظيمكارانه سى نتيجه باعره سى اولقى اعتباريله بوقرار اصابت آثار تاريخخار مزه التون قامله يازمغه شايندر .

طيمه الاذكارده شوسطرلرى اوقومشدم :

شهر ربيع الاولك اون ايكنجى كوفى مدينه منورده باب النساء اوكنده ميدانه بركرسى قورلر جمله اشراف مدينه ، قاضى بلده ، شيخ الحرم . اغاز ، اهالى مدينه على مراتبهم اوطورلرر عود وعمبرلر ياقارلرر خطبادن بش ذات نوبته كرسى يه حيقوب عربى مولد شريف منظومه سى اوقورلر دعادن صكره شربتار ايجيدير هر كس اولرينه طاعيلير . قوشاق وقتنه قدر دكانار آچاماز كيمسه برايشله مشغول اولماز طويلر آتايير ، شنلك ياپيلير بيوك كوچك هر كس لباس فاخرنى كييوب بربريله معايده ايدرلر اهل مدينه بويوم مباركى عيدا كبرعد ايدرلر بو حال قبائل عربده غايت مهم اعمال حسنه دندر .

بوكون اويوم مباركر اى ذوات كرام

كه باهر الله مان اولدى نيراسلام

بوکون اولوندی خرافات باستان منسوخ  
 بوکون ویرلدی اساطیر اولینہ ختام  
 بوکون یونجهلدی سماواته صیحه توحید  
 بوکون دوکولدی بتون بام کعبه دن اصنام  
 بوروز فیض بروزی کیم ایلز تقدیس  
 متابعان شریعتدن از خواص و عوام  
 بشرعی ساده ؟ دکل حاملان عرش برین  
 بو یوم اقدسه ایلرلر احترام تمام  
 بوکون طمانندی شئونات ایزد متعال  
 که لاشریک در اول ذوالجلال و الاکرام

اهل مکّه دخی مولد شریفه چوق تعظیم ایدرلر حرم شریفه بیوک  
 بر جمعیت متیمنه وجوده کتیررلر تلاوت ایدم کلدکاری منظومدر الک  
 ممتاز شعرای عربک انشاد ایلدکاری اثار اولوب معانی علویه سی انسانی  
 مست ایدر مکّه مکرّمه ده بویله بر جمعیت متیمنه ده مدعوأ حاضر بولمش  
 ایدم او ائنده کی نشئه معنویه الآن خاطره پیرای احترامدر : کرک اهل  
 مدینه کرک اهل مکّه کندیارینه مصائب دنیویه دن شر نه توجه ایتسه در حال  
 مولد شریف مجلسنی تشکیل و تعظیبات ایله منقبتنامه ولادت جاییله احمديه  
 ترتیل ایدرلر بو وسیله مرغوبه ایله عنایات جاییله الهیهیه و روحانیت  
 سینّه محمدیه التجا ایدرک تضرع و نیاز ایارلر . اثبات الخمسه منته بونک  
 حقنده اوزون اوزادییه مباحثه تصادف اولنوز .

سن اول محبوب مولا سین که نور چشم عشاقه  
 غبار در کجکدر کحل دولت یار سول الله

سن اول نور خدا سینه که فروغ وجه پاکدگر

سرایا روی عالم بولدی بهیجت یار رسول الله

بونار هر دوسرا صلی الله علیه وسلم افندمن حضرت تارینه اظهار عشق  
و محبتله وجوده کتیر یله جگ شیار اولوب مع هذا هر نه قدر تطیبات ،  
تکریمات کوستر لسه ینه آذرر .

بو مقامه مناسبتی طولایسیله شو قصه جلیله نی ده یازمق ایسترم بر  
کون اصحاب کرام حضور سعادتده بولندقاری صروده ایچارندن بری  
جامع علوم اولین و آخرین اولان فخر عالم صلی الله علیه وسلم افندمن  
حضرت تارینه ، بعض مؤمناری کور بیورز که خشوع اوزر در بعضاری  
ایسه خشوعده دکادر یار رسول الله بونک سببی نه در لطفاً بیان بیوریکیز  
تمنیه بولننجه رسول مبعجل افندمن « ایماننده حلاوت بولان خشوع  
ایدر بولیمان ایتمز » بیورمشاردر حقیقتنه کسب اطلاع ایچون ایماننده  
حلاوت نصل بولونور واکا نصل نائل اولونور معروضاننده بولندقدده  
« الله ذوالجلاله صدق محبتله نائل اولونور بیورمشاردر . محبت الله نصل  
قزانیلر استیضاحنه » محبت رسول الله ایله قزانیلر ای اصحابم ای بنم قیامتله  
قدر کله جگ اتم سز الله ذوالجلالک ورسولنک رضاسنی اناره محبتده  
طاب و التماس ایدیکنز » جواب عالیهی ایراد و جلهی بوضورتله ارشاد  
بیومشاردر .

آچلدی ینه غنجه دلجوی محبت

تعطیر مشام ایلدی کلبوی محبت

شب تاسحر آرام ایده من صحن چند

سودا زده سنیل کیسوی محبت

که کردۀ هامون جنون ایلدی عقلی  
وحشت نکه دیدۀ آهوی محبت

کاغنجہ کی چاک حجاب ایله رضایا [۸]  
بوز کوستر آخرسکا کاروی محبت

نبی هشی النسب عایه الصلوٰۃ والسلام افندمن حضرت ترینه اظهار محبتہ و سینه  
جمیلہ اولہ جق موند شریف جمعیتارینه ناطونی و روم ایلی دہ و خصوصیلہ  
شہر مزده اهالی اسلامیه پٹ زیاده آثار رعایت کوستر مکده دربرکہ محبت  
دینیه یه مالک اولانلرک خوشالانہ جقاری احوالندیر . خلاصہ کلام جنب  
پیغمبر من افندمزه وادی تعظیمده نه یایاسه آزدیر . عاشق صادق نبوی  
امام بوصری حضرتلری :

دع ما ادعتہ النصاری فی نہیم  
واحکم بماشت مدحا فیہ واحتکم

وانسب الی ذاته ماشت من شرف  
وانسب الی قدره ماشت من عظم

فان فضل رسول الله لیس له  
حد فیعرب عنه ناطق بفہ

بیورق او ممدوح جلیل الشانی مدح سر ایدنلره شویولده نہیم  
مرام ایدیورلرکہ نصارانک حضرت عیسی صوات الله علی نبینا و علیہ  
حقندہ ادعا ایتدکلری دعوی کاذبی ترک ایت یعنی انلرک پیغمبرلرینه مدح  
[۸] بشکطاشده سنان پاشا جامی خطیرہ سنده مدفون کبار مشایخ  
نقشبندیہ دن نجار زاده شیخ رضا افندی حضرتلریدر .



قصداً حق تعالی ایله خلول و اتحاد و تولید ادعا ایتدیلر سن او مقوله  
 ادعاده بولمده فخر عالم صلی الله علیه وسلم افندمن حضرتلری ایچون  
 مدح و ثنا و ادب سنده نه مراد ایدرسهك حكيم ایله او محبوب مولاناك  
 ذات کریمه ایتدیك قدر شرف و سعادتدن و عظمت قدر و منزلتدن  
 نسبت ایت صاقین افراط ایدرم دیه قورقه ذاتاً او نبی اعظم صلی الله علیه  
 وسلم حضرتلرینك فضائل علویه و محاسن برکزیده سنی تعداده نطقك  
 محالی یوقدر .

بناءً علیه هرکس عاجز و قاصر در .

حضرت الله سنی وصف ایشکن ای حبیب  
 حدیعی و اصفارك اولسون ستایشخوان سکا

حضرت ناظم محترم مولد شریف منظومه سنده مبحث توحیددن  
 صکره اوچ اساس تعقیب ایشدر . برنجیسی انتقال نور نبوی، ایکنجیسی  
 طاوع نورعدی . اوچنجیسی معراج کزین در . بو اوچ اساس حقنده کی  
 مقاله لریمی ده عیناً بورایه درج ایلکی مناسب کوردم :

### شهر رجبك ایللك جمعه کیجه سی

عالم اسلامیت شهر رجب شریفك ایللك جمعه کیجه سنی ادراك ایدنجه  
 حسیات تظمیمیه سنی صورت مختلفه ده عرض و اظهاره شتابان اولور .  
 چونکه بو شب معالده والد جلیل جناب محمدی حضرت ( عبدالله )

ایله والدۀ جیلہ حضرت احمدی جناب ( آمنہ ) نك زلفاری واقع اولوب نعلنۀ زکیۀ سیدالکونین او پاکیزۀ عصمتہ انتقل ایلدیکندن (ایله رغائب ) تسمیه اولمشدر. حضرت ( عبدالله ) یکر می بش یاشنه واصل اولدنی زمان کوزلمکمه هرکس حیران اولوردی . پک زیاده تناسب اندامه مالک اولان حضرت ( عبدالله ) ک ناصیۀ اقبالده معان ایدن نور جایل محمدی کتدیسنه بر قات دها رونق بخش ایدیوردی .

حضرت ( عبداللہی ) پدری ( عبدالمطاب ) دیگر اولادنن چوق سور و انک امر تربیسنه بر قات دها اعتنا ایدردی. حضرت عبدالله کوزلمک ومحاسن اخلاق اعتباریله محبوبالقلوب ایدی. از زمان مکملک انک حسنا، مستثنا قیزلری جناب ( عبداللهہ ) تعشق ایتشاردی. زوجہای شرفنه مظهر اولق ایچون جان آتارلردی ، فقط صیانت حضرت حق ایله جناب ( عبدالله ) انلردن کمال درجده اجتناب اوزره بوانوردی . ایش اویله بر حاله کادی که حضرت ( عبدالله ) قیزلرک کتدیسنه قارشو اظهارندن کیرو طورمدقلری رغباتدن بیزاو اولغه باشلادی .

( عبدالمطاب ) اقربا و تعاقباتی مشورت ایچون دعوت ایدوب ( عبدالله ) کماله کادی اطرافدن طالب و راغبیلر چوغالیدی قریبیلر ایچنده اکا مناسب بر قیز بولوب آلام « بیورنجه بالاتفاق مدینه حاکمی وعب بن منافک قزی ( آمنہ ) پک مناسبدر ، زیرا حسن جمال و سیرت کماله انک معادلی یوقدر جوانی و یردیلر ، بو ایشی بالمناصبه و هبه بیلدیردیلر. ذاتاً وعب جناب ( عبدالله ) ایچون بو کیفیتی اولدن تصمیم ایتمش اولدیغندن اریکه نشین نهانخونۀ عصمت اولان کریمۀ پاکیزه منی حضرت ( عبداللهک ) زوجہک شرفنه مظهر ایتک آرزوسنی مع الشکران اظهار ایلدی .

چونکہ وہبک کوکلی نور جمال عبادہ ایلہ اولدن منور اولمش ایدی .  
 حضرت (عبدالمطلب) ایلہ وہب بر ارہیہ کلدیار مسئلہ یی قراراشدر دیلر .  
 شهر رجبک ایلک پنجشنبہ کونی ایدی حضرت (عبدالمطلب) غایت مکلف  
 بر ضیافت ترتیب و احضار ایلہ اشرف مکیی دعوت بیوردی اوکون  
 صورت مدبدبہدہ جمعیت نکاح تشکیک ایلدی بر موجب عادت قریش  
 عقد مہتمن اجرا اولوندی هرکس ضیافتدن حصہ دار اولدی یدیلر ایچدیلر  
 اعلان سرور و شادمانی ایتدیلر . اقشامی جمعہ کیجہسی جناب (عبدالہ)  
 ایلہ حضرت (آمنہ) رضی اللہ عنہما افندیلر مزک زلفی شرف وقوع  
 بولدی ایشته بوشب مسعودہ سبب ایجاد دنیا و مافیہا رسول اعظم صلی اللہ  
 علیہ وسلم افندمن حضرتلرینک مادہ مطہرہ احمدیاری جناب عبداللہندن  
 حضرت (آمنہ) انتقال ایلدی انک ایچون :

بوشب فخر الیالی لیلہ پاک رغائبدر

بوشب تقدیسہ شایان برشب عالی مراتبدر

وجود اقدس نبوت پناہیسنک هر ذرۂ جلیلہ سسندہ نیجہ بیک شمس  
 عوالم افروز ہدایت مندج اولان نور الہدی عالیہ اکل التحایا افندمن  
 حضرتلرینک بومقدس کیجہیہ فیض آور تجلی اولان رغیبہ متنمیۃ  
 حضرت رسالت پناہیاری امت ناجیۃ اسلامیہ ایچون اولہ بر بشارت  
 عظامی سعادتدرکہ انک ہلال آسا افق شرافت امکاندہ ایلک تابش  
 مقدسی عکس انداز اولور اولماز بتون عوالم ، جلائل تجلیات سبحانیہ  
 مستغرق اولدی :

ای لیلہ رغائب ای زبدہ مواہب

تعظیمک اولدی واجب ای نور عالم آرا

ای لیل بی معادل ای مهر غیر آفل  
اولدک زمینه نازل ای محض فیض مولی  
ای لیلہ معالی ای مفخر الیالی  
ای نور لایزالی محمود کن فیکانسیین  
ای لیل پر معالی ای بدر خاکدانی  
ای فیض آسمانی محمود انس و جانسین

مسلور صحیفه اعتبار اولدینی اوزره عبدالله ابن عباس رضی الله  
عنہم حضرت تلرینک والد مکرمارندن نقلاً بیان بیوردقلرینه کوره نور  
جمال حضرت ( عبدالله ) تأثیر یله اسیر عشق اولان بی محزوم وعید  
شمس وعید مناف قیزلرندن ایکی یوز قدری آمنه امینہنک اوکنجینه  
مراده وصاتی خبر الدقاری کبی محرومیت واقععلری یوزندن حصوله  
کلن شدت تأثر وتأسفعلری نتیجه می اوله رق نار افتراق الیه یامشار  
هیچ برار ککه وارماشار . حیاتلرینک صوکنه قدر تأثرله دمگذار  
اولشاردر .

هزار تشنه چو اسکندرست در ضلالت  
همین یکبست حضر برکنار آب حیات

حضرت ( عبدالله ) رضی الله عنہک قبر شریفعلری مدینه منوره دهر  
غایت محتشم و مکلف بر تربہ لطیفه می واردر سلاطین عظام عثمانیه  
حضراتی پاک بیوک خدمتارایتمشار تربہنک تربینه چالشمشاردر . حضرت  
آمنه رضی الله عنہنک قبر عالیعلری ده مکہ مکرمهده ( جنة الاعلا ) دنیان  
قبرستانک اوست طرفنده وجناب ( خدیجۃ الکبری ) رضی الله عنہنک

تربہ شریفہ لری قارشو سنده در اوزری غایت ظریف برقبہ ایہ اور تومش  
درونی خالیار و سرمہ لی پوشیدہ لر ، آویزدلر و کموش شمعدانلر ایہ  
پک نظر ربا بر صورتہ تزیین اولموش اولدیغنی کورمشم .  
مشار الیہم انک قبر منورلرینی زیارتہ شتابان اولانلرده نشئہ معنویہ  
ایہ حال وجد و استعراق ظهور ایدر نیجہ . عاشقار بورادہ سرمست  
وحیران اولورلر .

دکاء مکرمہ دہ زلف مبارک شرف واقع اولدیغی سرای واجب -  
الاحترام زیارتگاه انامدر .

نتیجہ : علو قدر نبویہ حیران اولانلر نزدندہ بوکیجهنک قیمتی  
پک بیوکدر اوشب معالادہ بر چوق احوال عجیبہ و اسرار غریبہ ظهور  
ایتمشدر . تا حضرت آمدن مسلسل انتقال ایدہ کان نور جلیل محمدی  
حضرت عبداللہدن حضرت آمنہیہ انتقال ایلدیکه بالآخرہ صاحب حقیقیسی  
اولان فیخر عالم صلی اللہ علیہ وسلم افندمز حضرتلرندہ قرار قیامشدر  
حضرت ناظم محترمک

اشبو رسم ایہ مسلسل متصل

تا اولنجہ : مصطفیٰ یہ منتقل

کلدی چون اول رحمة للعالمین

واردی نور آئندہ قرار ایتدی همین

بیورماری ایشته بو حقیقی تبیین عبارتدر .

حضرت حیدر کرار کرم اللہ وجہہ و رضی اللہ عنہ افندمز ایہ  
سہل ابن عبداللہ رضی اللہ عنہ حضرتلری بوکیجهنک شرافت و علو



قدوری حقه‌ده احادیث شریفه روایت و نقل ایتمشادر در حضرت عبدالقادر  
( عمده الصالحین ) نام اثر لطیفه‌ده و سائر آثار جلیله اسلامیه‌ده و  
کیجه‌نک فضیلتی حقه‌ده پک چوق حقیق سرد و اتین اولمشدر .

یا ایها المشتاقون نور جماله صلوا علیه وسلموا تسلیما

## طلوع نور هدی

زمان حاضر دن بیک اوچیوز سکسن بر سنه مقدم نیسن آیتک  
یکرمیسنه مصدق شهر ربیع الاول تا اون ایکیجی بازار ایزتسی کیجه‌می  
مکرمیده شعب بنی هاشم نام محله ( دارالتابعه ) دنیالان خانده  
نور هدی ، پرتو افزای طلوع اولدی یعنی سرائر وحدانیتک حمل  
ذی شرفی حضرت ( محمد مصطفی ) صلی الله علیه و سلم افدن من عرصه  
شهو ده قدم باصدی .

ابراهیم حاجی حضرتلری سیر حاجی نام تألیفه « بو سرائی معالمت  
شعب بنی هاشم نام محله بر وقت حجاجک برادری محمد بن یوسف  
التقی به ائمه ایله شهرتیب برخانه رفیض اولدینی رسیده صحتدر سکره  
خاندی اسلامیه بو جای اقدسی حسن تحفه ایتمشادر » دینامور .

اسماعیل حقی حضرتلری ده محمدیه شرحده ( جناب رسالتپناه  
اکرمک مولدی اولان سعادتخانه بعض روایته کوره صفایانده هرگون

الرشيدك زوجة محترمة سى جناب زبيده نك بنا ايتديكى مسجدك يريدرکه  
حالا نماز قىلير .

بوراسى حضرت خديجة الكبرى رضى اه عنهانك سعادتيخانه سى اولوب  
حضرت فاطمه رضى اه عنها بوخانه ده عالم شهودى تشریف ايتمشاردى  
رسول اکرمک مولدى اولان خانه مسجد حرامدن صکره افضل بقاع .  
العرضدر « وفيه كلام فوق غير خفي على اهل المذاق من اهل الخبر  
والمعانيه فافهم » ديمشدر .

حضرت خديجة الكبرى رضى اه عنهانك سعادتيخانه لرى محلى اليوم  
غایت غایت معمور اولوب اصل سراى حضرت امهانی اوسعادتيخانه نك  
يقيننده اولمق اوزره زیارتگاه انامدر له الحمد والمنة مکة مکر مده بومقام  
مقدسى زیارت شرف عظیمه مظهر اولمشدم . غایت معمور و مزین  
واوستى قبه ايله مستور اونیوب الحاله ده مسجد شریفدر و برعالى مناره سى ده  
واردر حين زیارتده دوشوندمکه بومقام نهعالى برجای مقدسدر زیرا  
جناب عبدالله و جناب آمنه نك زفافی بوراده شرف وقوع بولمشدى  
جوهر جسم احمدی مشیحه مادره بوراده رغبه تمای عز و شرف اولمشدى .  
طقوز آی صکره ایسه حضرت آمنه دن اونور قلوب اهل ایمن بوراده  
شرف ظهور یله عالم دینی تنویر ایتمشدى سعیدکار زونی نك (المولود الکبیر  
للنبی البشیر) نام اثر معتبرلرندن نقلاً جواهر بواهرده محرر اولدینی  
اوزره اوشب مبارکه حضرت آمنه نك نزد عصمت پناهیلر نده عشره مبشره دن  
عبدالرحمن بن عوف حضرت تارینك والد لری شفا خانون حضرتلاری  
واردی اوبانوی حرم سراى عصمت بیوردرکه « سائر قدینلر کبی حمل  
صقتینسی چکدم و هیچ بر اغراق حس ایتدم اوکیجه رؤیاده برنی کوردم

یا آمنه محقق بیامایسن که سن خیر العالمینی حمله سین طوعدینی وقت نامیا کنی  
( محمد ) قوید سین دیدی صکره مهیب برس ایشتم کمال خوف ایله  
اوسسک کاسیکی طرفه بدینغم انده همان بر بیاض قوش کاوب قندیله بی  
اوقشادی حکمته او آنده قورقوم زائد اولدی اوکیجه ماه جهان افروز  
بتون نور اجلال ایله قدومنی اظهار بیوردقده بدن بر نور معانی ایتدی  
برده کوکده چشممه بنوردن بشقه برشی کورومدی .

ملائکه کرامی ودعا نیجه خارق العاده حالاتی کوردم .

حضرت ناظم محترمک :

دیدی کوردم اول حیدیک آنهسی

برعجب نور کیم کونش پروانهسی

بیوردقاری بونکتهینی بیاندیر . مشارالیه شفا حاتونک کوزینه وقت  
ولادت سنیده مشرقدن مغربه قدر بتون دنیا نور ایله طومش اولهرق  
کورومش ودعا برحقو عجببت مشهودی اولمش اوثره شجره نبوت  
فد من نهانخنه غیبین مشارالیه انک الیری اوزرینه لطافه شرف ورود  
ایتمشدر .

بوقصه جایله شفاء شریفده وشرحارنده تفصیلاً مسطوردر .

جهانه محض رحمتدر ورودک یارسول الله

محقق فیض حقدر فیض جودک یارسول الله

ظهورک نور خورشید سپهر افرینشدر

خلاصه سرآقدمدر وجودک یارسولاه

بوکیجه فبجر صادق طلوع ایدرکن کزیده بی آدم دخی شرف بنش

عالم دنیا اولمشاردی، وجود پاك محمدییه آراگاه اولان جای مبارکده کی طاش اووجود اقدسی آغوش احترامنده بولندیرمقی ایچون پاهوقدن یوشاق اولمشدی نتمک شائل شریفه پیغمبری صره سنده :

( اذامشی علی الرمل لا یؤثر فیہ واذا مشی علی الصخر لان تحت قدمیه )  
 دینامشدرکه رسول اکرم افندمن حضرتلری قوم اوزرنده یوروسدر  
 ایزی بللی اولماز وطاش اوزرینه باصارلرسه رسم قدم سعادتلری ظمر  
 اولوردی طاش یوشاردی [۱] بوطاشک وجود پاك محمدییه تمس ایتمی  
 یوزندن بوی عطرناک احمدی طاشه تأثیر ایتش ، بیک اوچیوز سکسن  
 برسندر اورایحه طایبه طاشدن زائل اولماشدر. طاشده وجودینک یری  
 الآن بالیدر بونی تقبیل ایتدیکم زمان رایحه طایبه دن حصه مند اولدیغم  
 جهته کونارجه مدهوش اولدم بورای زیارتله شرفیاب اولان مرذاتک  
 بوحال مشهودیدر .

ینه شائل سنیه صره سنده کیر ( اذ وضع یدہ علی رأس الیتیم تنقی  
 رایحه کفه الشریف شهرآ وحقی یعلم من شدة رایحه ان هذا الطفل  
 هو الذی وضع رسولہ صلی اہ علیہ وسلم کفہا یشیف علی رأسہ )  
 یعنی بنی محترم افندمن حضرتلری سوقاقدہ بر یتیم چوجقی کوردرلرسه  
 مبارک الیه مسح بیوردرلردی رایحه طایبه محمدی چوجنک اوستمند برآی  
 دوام ایدرک بین الصبیان بیاتردی که رسول محبتانک مبارک ید سعادت

---

[۱] حرقة سعادت دائره فاخره سنده وحضرت خالد رضی اہ عنک تربہ  
 شریفه سنده یولنان زیارت اولنه کان ایکی قطعه رسم قدم پاك نبوی حوی  
 حاوی طاشلر بوسوزک شاهد حقیقیسیدر .

او چو جغه تماس ایتشدر ایسته بو ط شده دخی بو خسته شادی صبور  
ایلدیکی آثار یله ثابتدر .

خاقانی مرحوم نه کوزل وصف ایدر :

هم دیدی وصف ایدن اول وردتری  
مشکبو ابدی الی آیه لری  
مرحبا ایسه بر کیمسه یه کر  
دولت و عزتله پیغمبر  
برایکی کون آریدن ایتسه مرور  
بلکه هم بر نیجه ایام و شهرور  
طویلاوردی نیکم ورد چن  
اول کشی رایحه طیبه دن  
نافه مشک جهان ایدی اوجان  
بوی مشک اولماز افندی پنهان

بوجی مقدس الیوم پک معمر و مزیندر ولادت-نیه نک شرف واقع  
اولدینی بر بسانک اورته یرنده در اوزرینه آروجه آهوزدن معمول  
هنسکاری غایت مصنع برقفس قوناشدر که ارتفاعی درت مترویه یقیندر  
قفسک قبحمی اوزرنده که یشیل جانفیه سروده ایله آیات کریمه یازمشدر .  
حضرت آمنیه حین ولادته رفیع سرا پرده حجاب واقع اولدیندن  
مشهودی اولان احوال دن بختله ییوردر لکه

انظار چشمه مده بر طاقه حقیقت تجلی ایلدیکنی کوردم شکله بر  
حرارت عظیمیه دوچار اولدم مانکر در حال شربت ویردر ایلدم



لذتی دنیا تیربتلرینک فوقنده ایدی ذرات وجودده بشفقه برحیات  
 ظهور ایتدی صوکره عبد مناف قیزلرینه بکزر قیزلر کوردیم  
 کوزلاکده نظیری یوق ایدی یانمه کادیلر آنلره اتکا ایتدیم .  
 مستغرق بهت وحیرت اولدم . ایپکدن معمول بیاض بر دیباج  
 سمادن یره طوغری اوزادلدی . طوغه جق اولان نور معظمی چشم  
 خالیقدن اوچ کون محافظه ایدیکز . دیه برس قولاغمه کادی : غایت  
 کوزل قوشار : صف صفت مالکار کوردیم . اظهار تعظیبات ایدیورلردی :  
 اوچ ملک ایلرنده برر علم اوله رق ضامن اولدی . عالمک برینی شرقه :  
 برینی غربه . برینی کهیفه ک اوستنه دیکدیلر : ایشته بو آن فیض نشانده ،  
 او آفتاب آسمان رسالت مود و مسروراً شرف طاوع ایلدی : بشفقه  
 اوچ ملک کوردیم : بونلر وجود نازنین سید البشری مرصع بر ایلکنده  
 یقه دیلر . ایپکدن معمول قونداغه یاتیردیلر . ایچلرندن بری او وجود  
 مسمودی بر ساعت قدر ایدی بهلیمده بولندی . بو ساعت خضر فتنده  
 ده ، برحق السرار ظهور ایتدی . بعده ( یا محمد سکا بشارت اولسونیکه  
 مجموع اخلاق حسنه اصفیا و خزائن علوم لدنیة انبیا سکا احسان بیورلدی  
 دیدیلر ) هراوچی بردن سرا پرده غیمده مستور اولدیلر .

شفه شریف شرحنده : سلطان الانبیا اریکه عزتمرای خاص  
 الخاص خضدن ضاهر اولدقنری وقت چشم حقیق بیننی طرف سایه  
 آچوب قیامتده ایدیلر و مبارک سر سعادتندلرینی رفع بیورلر ایدی .  
 ایشته بو حال حضرت فخر عالم ملا اعلایه تعالی واول امرده  
 توجهنه اشارتدر « دیه بیان اولمشدر .

ملائکه علین کل سرور ایله کلوب نوزاد محترمی زیارتیه باشلا دیلر

بحال بر موجب اشارت معنویه اوچ کون دوام ایده جکدی . بو آئنده  
 حضرت عبدالمطلب مسجد حرامده جناب حقّه توجه و نجات اوزره  
 ایکن پک چوق غرائب احواله مطالع اولمش و حتی ه دزده یا عبدالمطلب  
 شمدی آمنه دن بر چوق طوغدی . وجودی عالمه رحمتدر . دیه هاتندن  
 بر سس اینشمش و قراره مجالی قالیوب هان دولتیخانه حضرت آمنه  
 کلمشدر . حجره پا کیزه سنه کیرمک و اونوزاد محترمی کورمک آرزوسنی  
 اظهار ایلمنجه جناب آمنه اسباب مسروده دن طولانی اعتذارده بولندی .  
 جناب عبدالمطلب ( یا آمنه ایچرویه کیرمک کیمه مساعده ایتمز ایسه ک ترک  
 جان ایدرم . زیرا بنده بر حال ظهور ایتدی که ایچرویه کیروبده او مولود  
 مفخمی کورمزسم صبر ایده میه جکم . مطابق مساعده ایت ) دیه اصرار  
 شدیدده بولننجه حضرت آمنه مضطر قالدی . حضرت عبدالمطلب ایچرو  
 کیردی . در حال جناب آمنه نك آئننه نظر ایتدی . نور صفا بخشانک  
 زائل اولمش اولدیغنی کوردی . چونکه او نور صاحب حقیقیسنه انتقال  
 ایتمش بولنیوردی . حضرت آمنه مشاهدات واقعه سنی اکلاقتی . حضرت  
 عبدالمطلب دخی کنندی مشاهداتی خبر ویردی . صکره ( اونجلنجیمی  
 کوسه تر کوریم . آنک وجه تاباننه یوزمی کوزمی سوریم ) دیه اثر  
 استعجال کوسه تر دی . جناب آمنه ( بو طفل مکریمی اوچ کون مساله  
 انساندن صافه هیچ کسه یه کوسه تره دیدیار . بناء علیه معنورم ) جوابی  
 ویردی . حضرت عبدالمطلب طیانهمدی . چوق رار ایتدی . حضرت  
 آمنه عاجز قالدی .

او محبوب رب العالمینک اولدیغنی یری کوسه تر دی . ( اکر تادر  
 ایسه ک یاننه یا قلاشده کور دیدی . عبدالمطلب در حال او طرفه متوجه

اوانچه قارشوسنده بر رجل مهيب شكلى ظاهر اوليويردى . ( يا عبد  
المطاب جناب فخر عالمى ملائكة عليين زيارتن فارغ اولدقجه انسانلردن  
بر فرد زيارته جسارت ايده جاك اولسه ضرر كورد ) ديدى . عبدالمطاب  
تتردمكه باشلادى . مائوساً دوندى . اوچ كون صبردن صكره او نور  
ديده عالمك نزد شريفنه قوشندى . ووجه منيرينه باقميرق حيران اولدى .  
پروانهسى آفتاب اولان اونور معظمك وجه شريف وديده انورندن  
اويدى . و آغوش احترامنه آلهرق طوغرى كهيه كوتوردى . شكرانه  
موجه رب العالمين اولقى اوزره بالبداهه شومظومين انشد ايلدى كه يك  
مشهوردر .

الحمد لله الذي اعطاني	هذا الغلام الطيب الاردان
قد ساد في المهدي على الغلمان	اعينه باليثة والاركان
حتى يكون بلغة الفتيان	حتى اراه بالغ البيان
اعينه من كل ذي شان	من حاسد مضطرب العنان

### خلاصه مالى

خالقاً ونسباً و اوصافاً من كل الوجوه ممتاز و عنوز مهد نازيننده  
ايكن بيله زمانك سائر اطفالنه نسبتله سرافراز اولان بوغنيجه نو شكفته  
نبوتى احسان بيوران حضرت اللهه حمد و ثناله ايدرم . بيت مكرم  
واركان معظمه بر كاتباله . هي خصوصه حفظ الهميده اه اسم الجمن اهل

واعب الاماله النجا اياهم . ونجول نجيب محترمي اطفال - رُمدك فوقه  
 وكلا مراتب علويه مظهرية دلالات ايدر آيات يذات كوريورم .  
 بنه عايه متاون الافكار اولان اهل حسودك حقد وحمندن ايتن منسني  
 مني وادينسندب جناب حقتك لطفنه صيغنيرم »

حضرت عبدالغلب مخلوقات الهيةك ان خيريسي اولان او نوزاد  
 منختمى كن تعظيم ايله كتيروب واندن مكرمه منه تسام ايتسي .  
 صوك درجه اعتنى مخصوص ايله بقسني شيدا توصيه واخطرايلدي .  
 قرباندر كسدي . بر موجب الهام رباني اسم شريفني ( محمد ) تسميه  
 ايتدي .  
 صلى الله تعالى عليه وسلم

مشاهد در رخ اشياده نورك يارسلو الله  
 هويدا نور موفور السرورك يارسلو الله  
 مظاهر مظهر لولاك وارسانا كدر الحق  
 ظهور كدن ظهور ايتدي ظهورك يارسلو الله

### معراج شريف حقنده

آينه جمال حق صلى الله عليه وسلم افنديمز حضرتلرينك معراج  
 حقيقت مناجي عجرت سفيارندن برسنه مقدم شهر رجبك يكرمي بدنجين  
 كيجه مني وقوع بولمشدي . يغم اوراز دان ليله امري . تنها نشين  
 وحدخانه خدا اولمشدي . بوليله مبارك بازار ايرتسي كيجه منه مصادفدي

شرفوقوعندن زمانمزه قدر کچن مدت بيك اوچيوز يكرمي طقوز سنه  
اولمش اوليور . انسان هر سنه بوشب مسعودي ادراك ايدنجه درجه  
عالويتندن طولايي خاطرات لطيفه ايله نشئه مند اولور . علاوه نور مشيخص  
رسالتك بر جلوۀ لطيفۀ ايله عنهم آسمان ايسندمكي حكمت و حلاوت  
روحانيه يي دوشونديكي زمان دوچار وجد واستغراق اولور . حله  
عنایات سبحانيه دن اولمق اوزره فروغ معرفت . قلوب امت محمديه يي  
جلوه زاره دوندر مكدۀ نيرات زاهرۀ سمواته فائق بر شمعۀ روحاني  
كوسترر . حضرت عبدالقادرڪ سراج الوهاجندن ترجمۀ بر اثر ديه اياز يار كه :  
او كيجه شيخ حرم لاهوت حضرت جبريل . محبوب اديب الهی صلی  
الله عليه وسلم افندمى حضرت ترينه اولان شدت اشتياق دین هائم و -يران  
اولديغي خالد سرای امهانی به كادی [ ٨ ] وجود نازنين رسول الهی  
فراش استراحت ايچنه سرلمش وديده قاي اويانق اولديغي خالد كوزلريني  
اويقويه طالمش بولدى .

---

( ٨ ) امهانی حضرت علی كرم الله وجهه ورضي الله عنه افندمى كه همشيره  
پاكيزه سيدر سرای امهانيك الان موقعي زيارت كاهدر مكدۀ مكرمه ده اليوم دائرۀ  
حكومتك قارشيسنده رأس مناره تعبير اولنان اوچ شرفه يي مناره فك ديبنده در  
الحالة هذه تعظيماً زيارت اولتمقدمه در كه بومناره محل مقدسه علم اوله رق انشا  
اولنمشدر . . . تفصيلي مرآت الخرمينده واردر . امام بخاري حضرت ترينك قتاده  
وانس ابن مالك رضي الله عنهما حضرت اتندن روايت ايلديكي حديث شريف  
مضمونه كوره فخر عالم صلی الله عليه وسلم افندمى حضرت ترينك او كيجه كهبه  
معظمه ده حظيم دنسلان محله بولندقلري مرده ممر اج كزين شرفواق  
اولمشدى

بويابده كي تخالف روياني ابن حجر حضرتلري بك كوزل صورتده تأليف  
ايتمشد



یتاغنگ آباق اوجنده طوروب عرض سلام واحترام ایلدکن صکرده  
 « ای بخت بیدار عالم وعالمیان : دالدیغ خواب نوشیدن او یان که غنیم  
 قیوضات الهیه ، سنک ایچون حاضر لاندی مر نافذ مطلقه سنک ایچون  
 سرا پرده عظمترای قرب وصال آجلدی .

ای یتیم ابوطالب ، مواعب ومطالب سعادت . طالب اولان فیض  
 ازل حضرت تبری طرفدن سنک ایچون ادخار اولدی « دیه عرض مرام  
 ایلدی : سید الکوین افندمر حضرت تبری ( با جبریل الی این ) خطابه نزه  
 کیریه جگنی سؤل بیورنجه روح الامین ( یا محمد ارفع الین من البین )  
 مقدمه سیه عرض اطلاعاه رسالتیه ای تیجی جواب مولولنجه ( یا نبی  
 ذیشان آرهدن نزهی قلدر ) شمدی بن این وجهت بیلمیورم زیرا  
 معلوم شریفکدر که ربک تعالی وتقدس زمان ومکدن نزه ومقدسدر  
 بن رسول دیوان قدم اولدیم حالد سنک خدمتکار لر کدن اومق ایچون  
 حضور یگه کوندردیم یا محمد اراده ازیله الهیهنک غایه شهودی ومقام  
 سعادت عظم ایچون مشیت ربانیهنک مقصودی سنسین . عرضی سنک  
 ایچوندر . سن انجی ذات الهیسی ایچون سنسین کائناتک ممتد ومختبری و یسینه  
 محبتک نشوؤ سرشاریسن . شجره کوندن مقصود اولان ثمره شمع و  
 جوهره مظهره سنسین . سن بدر لطائفین . شمس معارفین یوم  
 تیره ماجا هر خائفین . سنک عالم سنک ایچون بسط واسلاح  
 اولدی .

کاسه محبت ، مجرد فیضا فیضک ایچون تعذیه قبلندی ، جمیعا کوان  
 سنک ایچون یارادلدی ، حرمانه مالکوت مجرد شرفیاب وصالت اومق  
 ایچون اغیاردن محافظه ایلدی .

قائى اى حبيب كبريا. قانق كه نعم جليله الهيمه ستردلى سنك ايچون قورولش طورويور رحمت نشين عالم بالاسنى بكيور . تبارك جلاله مى شرفرو حاليته نصل مشرف ايسه مشرف جسمانيه كن ده بويلاجه مشرف وسعدت بولق ايستيور . ريوزى مهرن آياغكلا اوستنه باصديغندن طولايى نصل مشرف وسعدت بولديسه قباله ما دى اويلاجه مشرف و منور اولق ايچون جان آتيور ) تشويقىت تعظيمكارانه سنده بولدى .

بونك اوزينه سلطان سريرلى معاه عليه الصلوات الاله افندمن حضرتى حاكمه ( يا جبريل ) ( الحبيب يدعونى بالذى يفعل بى ) استجواب حقيقتجويانه سيله ( اى روح الامين بنى ربم تعالى و تقدس نه ايچون دعوت بيوريور ) هائله ليكشاي سؤال اولدى حضرت جبريل عايمه السلام دى ( ليغشرك له ما تقدم من ذنبك وما تأخر ) تبيريلايه قباله بويوردى . [٨]

جناب رسالتپناه اعظم صلى اه عليه وسلم افندمن حضرت جبريلك سوزينه جواباً :

( يا جبريل الان طيب قاي هانا ذاعب الى ربى ) يعنى اى پيك جايل حضرت رب شمدى كوگم مسرور و حبيب اولدى ايشته زمان و مكندن منزله اولان ربمجل و على حضرت تارينه كيديورم و عضو نيلا اجابت نماي دعوت حق اولدى .

---

[٨] حضرت جبريلك بو آيت كريمه نى اوقومسنده كي حكمتى علمائى اسلاميه اوزون اوزاى شرح و تفصيل ايلمشلردر خصوصيله جناب شيخ الاكبر قدس سره الاظهر فتوحات مكينه نك جلد ثابته سنده حكيم ترمذيك يوز للى بشنچى سؤالنه جواب اولق اوزره بو بابده پك چوق حقيقتلو يازمشلردر .

سیران بدایع پیرا آرمسندہ سروش اعظم جبریل امین مو مضمون  
ایله عرض حضور کبریا ابتدی کہ :

یاسمیدالاولین والآخرین مشردلر اولسون کہ شرف قدوهك ایچون  
ابواب نعیم کشاد ایدیلوب روضه صفا وچن صفت لطافت بخشالرینک  
نظارت وروثقی کال بولدی.

واو بزم فیض فیض نعیمک پیاله نشوؤ افزاور حیق حیات بخشاشی  
شف و مصفا اولدی. جمال پردلری آچلدی، هر طرفه نورلر ساچلدی.  
بوکیجه سنک کیجه کدر. بودولت سنک دولسکدر دیرک دها برچوق  
معروضات حقیقت آیاند بولسی خلاصه کلام لایعده امرار ناله نمای  
ظهور اولدی که بونردن مقصود ربانی و او محبوب کزین الهینک آیات  
بیناتی کورمسی ومظهر تجلیات سبحانیه اولسی ایدی .

بواحوالات صحتته تاثیر عشق محمدی ایله درحال ایمان ایدنلر نائل نعمت  
ایمن ومظهر الطاف سبحان اولدی. عشق محمدین محروم زمره معالین  
ایسه دریای انکار وضالنده بوغولدی قالدی .

شبهستان وفانک محرمیسین یارسول اه

عروس کنت کنزک همدمیسین یارسول اه

جناب حق جلہ مزی انوار فیوضات جلیله محمدیه دن حصه مند ایدوب  
اومحبوب ادیب کبریاه انتمسابلری مزی کوندن کونه آتیرسین آمین  
الهم صل علی سیدنا محمد وعلی آله وصحبه وسلم



















PL  
248  
S77  
V428